


鄱陽縣志

地 250.81

34





乾隆四十年重修

各憲鑒定

鄱陽縣志

本衙藏板



重修鄱陽縣志序

鄱陽古縣也史記昭王十二年吳伐楚取番即其地秦并天下為番陽縣屬九江東漢加邑為鄱至隋更為饒州而以鄱陽為屬邑後因之地居彭蠡之濱界連吳越楚東澤有蒲魚之利山有竹木麻集之蕃舟車四達商賈輻輳誠東南一大都會也山川靈

鄱陽縣志

彭序

秀往、鍾為偉人自長沙文王而下若陶士行之功烈彭寵資之直諫彭直老胡松友之忠貞史惺堂之理學皆炳、烺、照耀千古其流風所被民皆敦儉樸習詩書重廉耻有安土重遷之思無奇淫技巧之習雖邵魯何以加茲然形勢險阻波濤浩淼蘆蕩叢雜易於藪盱往時林士宏徐壽





輝陳友諒草竊負固雖以大兵臨之  
猶積久而始定今遭逢

聖世海宇昇平人民樂業然思患豫防之  
意亦不能竟或忘也故吏斯土者非  
練習治體彊幹而忠信弗克勝任焉  
今黃子挹辛北平世胄科甲名家承  
尊甫崑圃先生庭訓以經術飾吏治  
在江九年調鄱三載政成事理迥非

鄱陽縣志

彭序

二

俗更之為因念邑志與

國史相表裏失久不脩恐事跡湮滅傳  
聞失實爰開局聘請紳士博採輿論  
備考羣書而獨總其成凡舊志之缺  
略者補之訛繆者正之山川險易土  
田廣狹戶口登耗政俗美惡利弊興  
革忠孝節義以及詩文著述有關於  
典要者無不考據詳明紀載精核不




苟徇人情不偏執已見惟慎惟公不  
蔓不略庶幾古良史之遺風歟書既  
成而來請序余嘉其為政能急先務  
而所纂輯又詳且慎若此允足以備  
國家之掌故而供太史氏之採擇也迺  
不辭而為之序

大清乾隆十有四年歲次己巳長至月朔  
中州彭家屏題書於豫章紫薇官舍

鄱陽縣志

彭序

三





重脩鄱陽縣志序

鄱陽建縣最古自秦時吳長沙王芮令番得江湖間民心稱之曰番君而邑之名以著其間山川秀拔土沃民淳而人才之盛亦甲於他邑蓋大

江以西一望邑也鄱舊有志始於明景泰時章常山取漢唐以來史傳所紀與當時故老所傳者編纂成書厥後胡司寇再脩於嘉靖年間至萬歷己酉則劉司空手加編輯



眾為明當精核

國朝戊申前令靈君脩之康熙  
癸亥邑令王君復就前志增  
刪重加刊刻迄今六十七年  
矣丙寅冬予恭承

恩命自新建調任芝城甫下車緒

閱志書知脩後已甲子重週  
板有缺殘字多漶漫竊歎禮  
教信義之鄉六十年来其人  
其事可法可傳者正復不減  
於昔乃率曰陋就簡曾無展  
卷興懷一議脩輯者而願聽



其殘闕失次年湮事遠漸即  
沉淪漠然而不關於心則苟  
且曰仍將安所底止乎爰慨  
然有志於興脩而初蒞茲土  
諸務紛紜部署一切日鞅掌  
於簿書計會之下未遑及此

至戊辰初夏亟進都人士而  
議所以脩之惟諸君子脩廢  
舉墜咸有同心遂集經始之  
謀旋啓編摩之館乃聘延予  
同年友新建凌工部廣心主  
持筆削并延予門人浮梁熊



生兆飛偕邑紳士之博雅者  
各任分纂校對之事惜乎開  
局甫兩閱月而凌工部遽以  
疾辭歸待之數月不至適  
制憲黃公旌節南臨百為振  
飭通檄兩江郡縣各脩志乘

而鄱志先已開局予既承檄  
亟促其成諸君子知凌君之  
不可待也廼謬推予為總其  
事予雖謏陋弗能謝目就其  
所分纂者於案牘餘暇親為  
裁正區、愚悃寧為國密毋



為遷踈不憚指斥以任怨不  
願市羨以貽訛凡山川土田  
戶口賦役風俗沿革事蹟人  
物藝文雜志等類一宗劉司  
空之舊而以六十餘年因革  
損益其事其人其文依類增

入且廣蒐博採間有前志遺  
佚今始補入者要之商榷不  
厭其詳折衷務求其當而於  
忠孝節義有關世道人心者  
尤兢兢然慎之又慎即在事  
諸君亦各秉靈公殫心稽核



如昔人索米作佳傳之誚吾  
知免矣是役也匝一歲而事  
始竣予喜藉手告厥成功所  
以其難其慎者亦期信今傳  
後而已矣用是質言之以叙  
斯編脩輯之顛末若夫摭拾

史家陳言以鋪張揚厲則豈  
悃悃之令所敢出此也夫



昔

乾隆十四年歲在己巳長至  
日

賜進士第文林郎知鄱陽縣事北



平黃登毅撰



都陽縣志

黃序

七



叙

吾邑於大江以西地稱最  
古俗稱最醇志書創自前  
明屢經鄉先達筆削其所  
紀載雖一節一事強半皆  
正史所登絕未有以疑事  
疑文攙入者及乎萬厯已

都陽縣志

王序

酉劉司空芝陽大加補葺  
條分縷析補闕拾遺志  
遂大脩復乎弗可及已

昭代以來戊申癸亥二十五年  
之間兩經修輯始則史掌  
科聚菴董其成後則族伯  
祖左人職其事至今又六十



餘年矣是非予奪久而益明亦久而愈定况益以六十年中之事蹟人久不有編錄其何以傳此我父母杜平黃公所為慨然急起而議葺之也公夙承家學以名進士調宰吾鄱政平事理志書

之役則以是非予奪委諸鄉人士而裁以公之別鑿焉使公直出其如椽之筆走雷霆之精銳集幽光於毫端兩目兩手固可刺日告成耳而公願必博採輿論其難其慎者誠重之也今志師虞於昨



春之首開館於秋杪而稿  
迄今始成帙閱歲一周可謂  
詳審矣其間人久之隆替土  
田物產之盛衰風俗之淳漓  
與夫紀載之公私得失余不  
佞適以讀禮亦居實懼文獻  
湮廢不憚執鞭為諸君子先

驅以上承 公雅意區區桑  
梓之思覽者一展卷當自得  
之也稿定付剞劂余復以當  
道格外之知將有黔郡之役  
脂車欲行遂援筆記數語  
於簡端且請正於公焉  
中憲大夫貴州大定府知



府前任工部屯田司主事  
邑人王允浩撰

都陽縣志

王序

四



鄱陽縣志舊序

跋附

明

景泰庚午續志序

章鳳應

邑人

鄱陽自秦置縣後漢加邑為郡至隋開皇十年因以物產豐饒改曰饒州而鄱隸焉宋嘉定乙亥郡守史侯定之嘗輯舊聞作鄱陽志三十卷元後至元丙子郡守狄侯師聖復以此書屬鄉先生吳君存年已八十書未成而卒其門人楊端如用其指授足成焉總為卷三十有九爰自宋季嘉定九年丙子終德祐二年乙亥九六十年曰鄱陽續志為卷十有五自元至元十三年丙子至後至元乙亥又六十年曰鄱陽新志為卷二十有四時方急邊務未遑鈔梓

鄱陽縣志

卷之首

舊序

至正兵變卒無全帙國朝洪武二年己酉詔天下郡邑編輯圖志然事多疏畧迨永樂十六年戊戌朝廷分遣儒臣徧詣郡縣委督官儒采取古今事蹟纂輯是時先君藏拙先生偕同儕許君安常陶君若璠輩晝夜效勤據以舊志集以故老相傳明年書成亦名鄱陽新志以進先君嘗謂鳳應曰是書雖成第程期逼迫未備爾宜成之鳳應承命惟謹有志莫能常快快焉宣德癸丑鳳應叨舉賢良正統改元丙辰授丞松之華亭華亭東南劇邑也政務絲棼日無少暇越七年壬戌鳳應追憶先君遺教不可墜乃于青燈永夜本以先君所藏舊稿重加詮次復合前志參以羣



書及考索古今諸名集有足徵者則采錄增入之凡數年始克成書第愧謏聞陋識豈足以該一邑之事以蛙窺天不量甚矣然與不錄湮廢寧詞鄙而寔存是以歷叙郡國之本末與地之因革牧守政教之賢否土產風俗之醇漓山澤利益之隱顯人物古今之盛衰與夫學校軍衛之類凡三十五目釐為二十卷名曰續鄱陽志曰續者何蓋繼述前志而言卷端則圖以歷代沿革非徒不負先君之囑然因時考事庶知其槩其不備者尚有待于後之君子云時景泰元年歲次庚午春正月上元日

萬歷己酉志序

泰政應汝化  
僊居人

鄱陽縣志

卷之首

舊序

二

凡縣閱世而成志也其說出邱里其事屬掌故而其義則竊取春秋之遺一歸之勸戒則志者乎夫志史之翼也鄱陽故隸自嬴漢爰始吳芮為秦令得稱番君後乃加邑為饒州郡則鄱固望邑也延流到今業已闡闡詩書道路風騷君子之至于斯也僉曰周禮將在饒矣名人成市辭子如林事同兔角義睽孟浪惡在颯颯乎大風哉甚矣志之難也南粵潘君來任鄱陽之三年憤舊志之散逸取前令顧君所纂修者重校定之將以懸國門而昭畫一適予叩命豫章分守於饒時或公餘靜對而問及縣志闕如未嘗不咨嗟良久云無何潘君手一編以進曰禹謨處邑三載



矣日惟僕區不一寧何暇修史椽業乎幸邑中名公碩彥  
有創讐者有裁決者復有總持而刪潤者而志告成矣願  
請一言序簡端余受而卒業益信前事之不忘後事之師  
也惟是覽圖輿志則知淮海既畫揚州表於東南秦更置  
郡縣代沿其制而斗分屬矣壯哉芝山循江而南放於彭  
湖人產其間敦樸尚簡其猶有顏范遺乎坊都碁分市鎮  
星置此亦一繡錯壤也覽建置志則知邑所與立金湯雲  
連壘則飭之削祠列社所繇來已夫民之濬防貯積莫居  
而利涉者其亦于神是依表之垂也郵之舍也又焉得槩  
諉之曰仍舊貫覽秩官志則知張官為民正貳之般輔且  
鄱陽縣志

卷之首

舊序

三

不及惡德又况分教分堠乎伐檀之刺政不必在大覽賦  
役志則知有人而後有土既庶矣又何加焉湖坦艱耜入  
孔不任歲供即有漁採民何以堪田出稅身出庸脛毛喻  
于勞薪而膏髓同之裁沃恤磽而民力寬矣夫疇有呼庚  
癸乎覽學校志則知教首黌宮夫非為士楷作率來學白  
鹿其倡也家有塾而必徵於文獻羔鴈在是矣覽選舉志  
則知明經外徵辟雖廢武科僅存使自盟在下而上得之  
不負所舉若夫以貢以貲以封蔭亦弘薪禎意也覽人物  
志則知桓公之忠勲大理之節烈卓哉名理則冠吳何介  
直則最彭李又不有祝挺之捍城者乎江春范遠至今談



文武者崇焉而鄉之俠也里有孝寓有傑白石流光紫氣  
占象此皆其表表至於截髮抱孤閨閫猶以為難覽藝文  
志則知濟靈發脉詞彥迭興斯不亦流之操觚之表而為  
性情律呂之變鄙自黎吳倡美劉葉响臻後有作者彬彬  
手他如由災祥而之古蹟由方技而之紀異存舊也拾遺  
也總附之襟志別志以加備焉亦旁覽者所不遺也志凡  
為卷十六為綱十為目六十有三其為邱里乎而學士之  
譔也其為掌故乎而閭府之藏也不溢美不覆短筆者筆  
削者削蓋皆有冠冕人倫之任焉余惟舊志因循已久迄  
今一展卷而鑿鑿乎皆當世勸戒之林也雖籍鄉大夫以  
鄱陽縣志

卷之首

舊序

四

云

萬曆己酉志序

劉應麒

邑人

鄱志自胡司寇修於嘉靖乙酉迄今八十餘年鐫版久毀  
士人家僅有藏本秘之若中郎論衡嗣是莫續茲茲土者  
嘗病文獻無徵望邑一大缺與前令具江顧君引為己責  
屬余修之余謝不敏請益於同邑三四君子分猷共念酌  
故輯新既就緒稍加刪潤藉手告成共十有六卷會顧君  
遷儀部去未遑授梓增城潘君繼之無替前舉捐貲付剞  
劂故事有序請於藩叅僊居應公徵重元晏不啻詳矣余



復何贅唯是人物一志成之獨難宜有說焉世遠則傳聞

未真品殊則

音虎出揚  
雄羽獵賦

列貴當覈名實欲嚴嚴而刻董

宣之抑酷吏也較瑕瑜宜寬寬而狗陽固之稱惠政也此其難在評騭人各有見亦各有情盧斐譏刺魏收激於情也齊人知有管晏局於見也愛憎成心未能兩捐彼非此是所由互起此其難又在異同孰主持是孰調停是詢度再三稿凡數易大較起於前所既入於於舍所欲收事必有據擬唯其倫不溢美不泯善不亂真於黎鬼不詭對於胡奴陋哉犖金乞名覓米作傳則今所絕有者未敢夸示國門自信庶幾實錄知我罪我可勿論已因是而感信史

鄱陽縣志

卷之首

舊序

五

之為難也與其弗信毋寧闕如余閱乙酉志質而不繁信者什九猶及闕文遺意八十年間擬修者三最後粗具幸其卒歸於罷否則見弗勝情雌黃唯臆遺今聚訟筆不得下安望厥成耶是役也三四君子或黃髮典刑或直諒益友或博雅能文各展厥長余受成事焉若倒法傳論言有顯微義非無當則所竊取聊引簡端以諗後俊或有味於斯言

萬歷己酉志跋

邑令潘禹謨

增城人

余無似承乏於鄱幾再考唯斤斤錢穀市獄是問若茲舊乘佚未及披爰詢司空劉公手示志稿六冊是為前令顧



吳江所屬修公與三四同志彙訂者詳且整已于時水旱兼仍鳩僇皆輟乃掌故百年僅續豈當吾世而復墜之遂謀壽諸梓微福道尊應公序之因獲卒業其綱目論列并非責在令長意慕重也竊稽循良代起徽音莫嗣矧余涼德疎素是惕念唯畫一而守不愆舊章可幸無辜必倣傅翽之譜赫赫見竒且恐卽卽子失其故步爾善乎申公有言曰治願力行何如唯茲周行所示犁然著蔡敢弗電勉從事第取空文懸之方冊故余讀賦役志而知湖壤加則之當釐也再讀學校志而知賢令缺祀之當舉也是何難繪監門之圖上達重闈修庚桑之祝下狗畏壘推是行之

鄒陽縣志

卷之首

舊跋

六

匪異人任曷敢諉諸不然即言言石畫碑之吹劍一映既為木灾徒增紙貴非今日相成實意也故識之末簡時萬歷巳酉仲秋月

國朝

康熙戊申舊志序

邑令 盧元培

仁和

鄙之有志舊矣培自去夏待罪茲土爰求舊乘於故府而不可得既乃得之民間展卷讀之至明萬歷中葉以來脫焉未輯非闕文也或亦前之令茲邑者有志而未逮乎否則文獻之昭明固亦有其時耶第培簿書鞅掌日昃不遑敢云一變而是哉幸縉紳先生雅有同志而三五耆宿又



前令鄭君所與慮始之人於是延之專局分帙編摩而培以奉公之暇時加裁正焉始於戊申之重九及己酉之初春不五閱月而志告成矣雖然志豈易言哉即如輿地沿革或昔合而今分錢穀戶口或先約而後廣不可不詳也則不可不慎也民情風俗久近豈無異同人物品題位次曷由各得不可不確也則不可不嚴也外而摛詞採藻亦閏風氣之盛衰嘯月吟風可占性情之淑慝寬固疑濫也隘亦譏陋也至于鸚鵡六鷁石言星隕之類或一方之事而天下之應在焉謹而書之非即他日五行志之所權輿哉由此以談易耶否耶今幸矣志成矣數者之慮或可免

鄱陽縣志

卷之首

舊序

七

窮爾

又

史彪古 邑人

一代之興方策輝煌下至郡國文獻之昭垂蓋莫不有書焉以志不朽鄱有志創始宋嘉定乙亥至明景泰間章常山先生續稿稱為明備嘉靖間胡司寇踵修之逾八十年萬歷己酉劉司空復修之今所徵者己酉本也洪惟我朝統制畫一車書咸同諸如疆理形勝兵農庸調漕河律歷以暨制科學校若蠲租若清問若星野災祥之必書若



忠孝幽芳之咸秩網舉目張外薄四海靡有闕遺况吾鄱  
六十年來水土播烝文光吐新代有循良治臻既庶皆不  
可不亟為紀述以備職方之掌故者也先是歲丙申太守  
翟公將有事於郡志馳札燕邸屬余較讐焉未幾公以遷  
屯田使去已而楚咸鄭君謀葺邑志又未幾而鄭君復以  
量移滁州去弗遑副墨豈志之待夫人也抑亦有其時乎  
誠慎之也茲盧侯甫下車即集邑中名彥酌古核今修輯  
因憶余曩者分藜中秘折衷良史不啻詳焉而惟是職方  
紀載之體其異詞者三夏五郭公傳疑承誤車書炳郁路

鄱陽縣志

卷之首

舊序

八

馬蹴芻則文與字之傳聞宜辨也寧為魚亥母為具敖也  
七談八州識其大者瑞芝丹并劍氣鬱宣則事與人之所  
聞宜覈也寧為固密母為遷疎也甲子周星其在茲序承  
筐之歲絳人可問尚敵洛社則罔所愆唯是吾鄱之博雅  
諸君子操觚以從也夫何辭之與有則名與實之所重者  
詳以核也寧為魯哀母為齊諧也滄溟有言善是之具非  
徒以存文獻而已謂夫一方紀載之盛且以嘉勵將來于  
勿替焉鄱自秦漢以來號稱望邑田治賦清彬彬乎其士  
熙熙乎其民化淳俗厚紀載犁然可攷何昔之鄱獨臻盛  
歟亦代有良司牧噢咻而董率之耳後之君子休養元元



釐剔夙弊以主持風化為已任則良父師深德於上士若  
民率俾于下何風治之不古若也志成而盧君適內權計  
曹其鄙志之幸歟抑亦人逢其會時遭其宜歟予不敏爰  
弁數言於諸君子後亦庶幾毋忘竊取焉爾

康熙癸亥舊志序

恭政 查培繼 海鹽人

禹貢九州扶風十志其一統志之權輿乎職方掌天下之  
圖外史掌四方之志他若盛弘之記荊州常璩之志華陽  
皆以褒媿彰懿章志貞教此郡邑志之所由昉也志也者  
誌也誌其山川險易風俗汙隆財賦盈絀戶口登耗人才  
盛衰忠孝節義之必書水旱祥禳之必謹綱舉目張條分

鄱陽縣志

卷之首

舊序

九

縷析勒成一編采之輶軒藏諸冊府所以待王稽古周知  
天下之故且使有事于茲土者審剛柔別治忽辨其土之  
所宜察其治之所尚因勢利導與時消息土地人民政事  
俱有掌故可稽如取火于燧鑒貌於鏡則志之為功詎可  
忽乎哉

今天子大復古既令郡縣各修其志進備省會成書彙而  
貢之以纂一統之志遂使禹貢山川悉陳王會周宮采衛  
併入輿圖於體國經野之中寓省方問俗之意道揚治化  
黼黻休明非僅為金匱石室之藏而已前之鄱陽縣志缺  
有間矣近如景泰間之章志嘉靖間之胡志卷帙放失文



獻無徵厥後邑令增城潘君一修于萬歷己酉武林盧君再修于

國朝戊申距今僅十有五年而王令君復舉而修之者何急令甲也春秋所載有見必書有聞必書遠之則畧近之則詳遠之恐失真而近之貴核實也芟繁就簡存信闕疑闡幽崇微易訛塗漏則紳士采輯潤色之功居多焉夫鄱固巖邑宅彭蠡之濱其地沮洳其俗織畷其君子樂易而敦詩書其小人醇謹而力稼穡澤有蒲魚之饒山有林麓之利帆檣四達商賈輻輳誠吳楚間一大都會云自罹喪亂蝨賊內訌流亡載道澤葵依井荒葛冒塗期會益繁征

鄱陽縣志

卷之首

舊序

十

調日急非特物產人材遜美昔時而風俗亦少渝矣余自辛酉觀察三州駐節芝山者三年矣鞠人謀人亦孔之哀欲拊循而煥咻之力未能也適紳士以志序為請受而讀之不禁舉然高望爰進王君而謂之曰今之鄱非即古之鄱乎猶是戶口也何以昔盛而今衰猶是財賦也何以昔盈而今絀我與若共守此土其亦宣昭義問相與有成若夫勸課農桑敦崇禮讓萑苻不驚桁楊卧兩長吏事也奉揚德意察吏安民弘獎正學平世善俗監司責也教養生息漸摩教化豈異人任今欲去其不如古以進於古則茲編具在其即土地人民政事之龜鑑乎治絲無棼改絃易



理母曰民澆是在上者轉移之耳至若士君子生長斯地  
涵泳乎詩書禮樂之薌澤步武乎理學節義之芳規定志  
興行一道同風使後之采風者絜是邦於鄒魯是余之所  
厚望也夫

又

郡守黃家遴廣寧人

自秦始郡縣天下而長沙王以鄱起兵從諸侯入闕邑之  
名即見於史迄今幾二千年雖疆域割析不常而邑治未  
嘗有易縣之舊未有若茲者也唯舊則人材物產盛衰治  
亂散見於二十一史及他記載其蒐討為甚易而域之割  
析不常則此疆彼界或出或入其攷覈為甚難稽古禹治  
鄱陽縣志

卷之首

舊序

十一

水皆躬親跋涉作禹貢以告成功其揚州之域曰彭蠡既  
瀝即今鄱陽湖也而漢漢曰東滙澤為彭蠡漢江曰東池  
北會為滙考亭九峯皆以為漢與湖相去絕遠江流介其  
中湖納饒信十數州之水有出無入疑江之北別有所謂  
彭蠡者然又以揚州之澤無大是湖不應舍其大而別記  
其小則彭蠡之為鄱陽無疑蓋禹時水患西北急而東南  
緩其治亦西北詳而東南畧或未必親歷其地而徒為約  
畧想像之詞則攷覈之難自禹來已然又易彭蠡為鄱陽  
不知始於何時而縣之易番為今名則已見於秦漢或為  
郡或為邑不知湖以邑而得名耶抑邑反以湖而名也是



皆未可知乃欲追溯幾二千年以來事實上及堯禹以至於今此疆彼界犁然有辨其為力詎易易哉則甚矣史之難於志也若今於邑又無所不當問繼先垂後宜莫先志然戶口井里一按籍而知之而欲鈎索古今事實於簿書委積之際雖有敏者亦莫措其手則作者又甚難矣鄙舊有志其前不可攷可考者則景泰之章常山閱八十年而嘉靖之胡司寇又六十年而萬歷之劉司空入

國朝盧公元培為是邑重修刻焉迄今十五年矣遭亂散佚今邑令王君奉憲檄復刪續刊刻以繼盧公之後夫十五年之視前八十六十則甚近然此十五年中兵戈災沴

鄱陽縣志

卷之首

舊序

十二

亦多故矣書既散佚而王君為首邑繁劇乃能躬自刪續於簿書鞅掌之餘使幾二千年間之事實班班可垂於後是亦不可不謂才之優而力之勤也而凡有事于是書者蒐討筆錄其勞皆不可泯故余為推作志之難以見其功若夫王君為邑多善政余與同事有年備知之以方論志事故不及

又

邑令王克生

掖縣人

今之縣志即古列國之風也古者列國有風太史採之以獻於天子天子受之而列於樂官被之管絃於以察政治之得失知俗尚之美惡凡山川土田人物禽魚貞淫強弱



莫不於是乎攷焉以故季札歌風而列國之景象無不宛然見也自詩亡春秋作國無風而有志既不可歌亦無若風之能動然猶記其事書其人載其忠孝節義之足傳方技文章之可貴蓋其風不上獻是以有勸無懲記善去惡此志之所以不及風歟我

皇上車書一統山海幽潛靡不向化爰命 廷臣續修會典各直省俱備通志下及郡縣亦得以志乘上達

天子而察其貞淫治亂人物盛衰一覽而千百年之治亂興亡不啻掌指而着列矣鄙澤國也雖於饒為首邑然總計江以西則不勝小以天下之邑計之則又小之小者孔子曰十室之邑必有忠信上古荒遠多不可考自漢唐晉宋以來代有傳人遺蹟未泯因其舊而紀之自不敢缺迨我

鄱陽縣志

卷之首

舊序

十三

清鼎定前乎此者則前人之或溢或遺故老無述文獻不徵無從訂証槩遵舊刻未敢刪補予生也晚來且暮自溟閩跋扈鄙以湖莽夙蘊萑苻招寇賊蹂躪我疆土者反覆數年其間忠臣義士烈女節婦隱而勿彰幽而未聞者豈云無有顧耳目之所未及不敢憑以意見即耳目之所已及尤不敢附會聲影以故刪者絕無而增者甚少寧刻無濫寧實毋浮寧失於固陋自慙博洽無失於荒穢貽誦將



來此余修志之所持如此而一時同事叅攷讐較諸君子若王左人絲如雷殷叔者皆鄱名宿首肯予言遂屹然載筆人莫敢奸以私求如陳承祚作三國志覓丁儀兄弟干斛米為乃翁作佳傳無有也即有桓温之歎不能屈孫安國以美詞書枋頭也蓋予嘗謂忠義貞烈之氣縱沒于人言遺乎紀載而山川草木亦能發其幽潛之光鬼神異類有時宣其間淡之色惟是濫及匪類為天地神明所不容故甘任罪於遺無任罪於收也志成我

皇上將彙輯而觀之於以褒嘉忠烈震蕩山河命詞臣歌誦其事風被下邑草木禽魚煥發新彩即古陳詩採風之鄱陽縣志

卷之首

舊序

十四

盛再觀今日又何列國之景象不可盡見于廟堂然則詩何嘗亡而風未始不可颺也矣為之序

又

王用佐 邑人

國之有文獻也所以維禮樂教化之衰而持世道人心之運自朝廷以達於邦邑雖彈丸僻壤皆不可一日無者况襟帶江湖氣鍾靈傑出貢賦以供天地宗廟山川百神之祀之壤者哉粵自九邱莫攷而禹貢一書遂為後世誌書鼻祖姬公作周禮內史以掌邦國之志外史以掌四方之志自是以還代有著作莫不散為郡邑之乘合為柱下之史前人之述備矣吾鄱之有舊志也止於前明萬歷己酉



司空劉公所訂號稱詳整焉至

國朝康熙己酉六十年間缺無紀載且事經改玉其中田賦戶口風俗人才宮室學校多寡沿革淪於草莽久矣幸前父母盧侯懼其放失以為再歷數年欲問遺事則故老皆無在者於是採葺民間斷簡延致縉紳耆舊共修理以續舊觀無何滇閩竊發鄙屬隣境狂奔效尤甲乙之秋烽火煽于城郭圖籍府庫蕩焉一空舉盧侯所編緝者盡付祖龍之炬文獻無徵梨棗為灾若斯之急也今東海王君棫伯來宰斯土數年於此矣安靜悃幅真追古之循吏簿書之暇詢前令盛舉不克永其傳心焉惜之况遇

鄱陽縣志

卷之首

舊序

十五

朝廷纂修通志四海內外悉奉正朔方將作王會之圖大一統之業而使吾鄱風土人物獨缺畧不完是亦守土者之責也適邦伯黃公祖整綱飭紀興廢舉墜重修郡志而予與宗弟絲如雷君般叔同恭末席於是令君亦毅然以縣志為己任託以校閱用嗣盧侯芳躅何吾鄱之多賢父母也而因以見此數十年中民敝於兵而丁中可按女陷於寇而貞節可垂徵派省於官而經制可定學校荒於草而修復可期星羅碁置開卷瞭然政事徵文衮鉞不苟其所以維禮樂教化與持世道人心者皆於此乎在是則吾鄱之大幸也况今先甲一日運終癸亥癸所以揆度既事



之後斯舉也合於郡乘不均有光也哉雖由此而壽之奕  
世傳之名山所不敢知但期為董狐之良勿襲魏收之穢  
俾後之興者得以折衷掌故而貢諸天府庶幾裨省方陳  
詩之一助云爾

邵陽縣志

卷之首

舊序

共



鄱陽縣志

舊志凡例

明司空劉應麒著

一纂脩本胡司寇嘉靖間刻志參之章常山景泰志稿質以故老所傳諸紀籍所采會其異同芟其繁冗義嚴詞約庶幾信史

一圖表便披閱也大書特書撮要也分註繁文也附考佚事也綱有序目有論意未盡系以按無庸擬議者弗贅

一風俗入輿地取山川異制民生異俗之義藩府入建置蓋僅宅厥土食采無與故不另志封建

鄱陽縣志

卷之首

凡例

一舊志食貨轄兵衛無義今刪附公署之千戶所而析食貨之賦役槩為一綱一切經費錙銖備錄蓋閔國計民瘼俾後可稽

一名宦舊在人物志今系秩官表後冷繼躅者一展卷而型範具在

一鄉賢宜祀孝子節婦宜旌佚未及舉猶可待也舉或未當何以勸為隱桓之際則微觀者自當得于言外一忠節上矣于光王址輩分在死綏進之者志愍也若

彭器資之批鱗忠也而良葉醉漁之捉月忠也而晦故但系之方正文藝周梅山不署降表不仕元朝雖



非殺身無愧忠節

一名公後貴顯者系本傳昭食報也推慶源也攷史志皆然片善相肖附載于末且特註曰子某孫某以別之即同時輩出寸長足錄亦附如陶侃下邑人楊暉之類

一人物標品犂然自難汜入唯宦蹟不皆建明漸開任人身後蹊徑隱逸可以假借遂作顯者先世山林若乏吏治止名科目僅以子貴但歸封贈亦既滌矣禮非誣祖譽耻過情願共為三代之民

一名宦鄉賢見存不入抑私也舊稱公及先生俱名做

鄱陽縣志

卷之首

凡例

二

史也墓誌家譜即佳不錄防諛也事關一方利病曾經議詳原文具載備考也

一舊志有其人遺其事者采輯履畧補之如文藝黎廷瑞是已佚其事并沒其人者散見各集入之如方正程宏圖是已

一王伯山考唐書止名賀德仁所居為高陽里亡他長其宦蹟可畧也蔡明遠見蘇帖中有載米濟顏魯公一事正義士所由名宜詳也今損益于舊志者餘做此

一訛誤如邑令劉毅為劉義人才胡叔珉為耿叔珉考



嘉靖志為是如史可甦任元醫學錄曰辟郡學錄不就莊叔淵疾卒曰死事交趾考景泰志為是從其是而已

一雷豐城妙達象緯晉書載張華傳今無可類附特目卓識表之本自絕能難于儷已

一令甲婺婦年非三十以內守未五旬以外不旌志當準是是以有備志焉然則志必待旌與噫難言矣附驥尾斯至千里匹婦無階與草木同朽腐者不知其幾微顯聞幽責在掌故進張呆妻與鄭松女班之黎趙錄實也

鄱陽縣志

卷之首

凡例

一流寓賢如盤洲忠如止水讀其事自可想見其人無庸標異攷之志例若彭城之范文正公建安之朱考亭先生皆然

一藝文華實兼收觀覽庶備必曰有闕世教則昭明一部半可覆瓿倘無取借才彼滕王三記奚綴洪都之乘

一雜志謫言也別志肋喻也備志其駢拇已庸詎知夫橐籥之先筦簟也絲麻之不棄菅蒯也與知者道也如以耳食且難于自解已



鄱陽縣志

凡例

一鄱志予奪明去取當史筆之善他處所難萬歷已酉  
一志出劉司空一人之手筆墨尤為精核繼起易工  
亦俗美無競也

國朝戊申重加編輯邑人史給諫彪古始其事前令盧君  
踵成之康熙癸亥前令王君承上憲檄復纂而脩之  
兩經增飾已大非司空精核之舊矣茲編雅欲澄清  
而力有未逮姑就聞見所周詳慎登選以俟後之君  
子云

鄱陽縣志

卷之首

凡例

四

一舊志分為八門門各分類或以小序引其端或以按  
語跋其後然大綱則詳細目或畧固不能無闕焉未  
備之憾也茲編悉為補綴使展觀者瞭然於卷中大  
旨其于勸懲之義利害之源不無小補固非徒尚鋪  
張揚厲也

一封建舊入建置夫麥秀黍離社屋久矣雜諸城池廨  
宇荆棘之銅駝果與枌榆之牢醴比蹟乎今詳考史  
傳及前明舊志附沿革後亦各從其類也

一防禦之責專于分閫然閩津設守實屬有司舊志紀  
其地而闕其人備其事而畧其任於古人慎固封守



之意毋乃未盡乎茲增防守一條非私此疆聊固吾  
圉

一舊志有方正一條以紀剛毅敢言諸君子蓋抱忠節  
之具而生幸逢時厲嫉惡之鋒而學為有用劉司空  
所為特紀也雷豐城斗牛間劍氣雙眸隻出司空亦  
謂其絕能難儷遂創卓識一條然蹇諤正有位之光  
博物亦名臣之表正不必別為標目乃見殊尤也茲  
悉併入宦蹟非云故有抑揚要使歸于允當且無使  
後來門類難收者得以別開塗徑耳

一列女自中壘作傳闕德攸彰鄙志列女劉司空最為

鄱陽縣志

卷之首

凡例

五

簡核自陶母外或婦或女咸以節收故秦縷析茲年  
踰千載人日積多遭遇或殊砥名亦異爰舉賢媛節  
婦烈婦貞女烈女釐為五類庶於潛德幽光尤為易  
辨至現存節婦已詳請題旌者例得記載此外雖  
鶴髮冰操業符年例而未亡人之歲月未竟則蓋棺  
論定姑以俟後起編入耳

一世職自前明効力漕艘陳赤石所修府志附紀武備  
之後廬王兩志削而不書恐非所以存故事勸有功  
也茲概紀其建功蒙襲之繇使咸顧名思義亦留心  
國計民生者所不廢乎至累代承襲之人不書杜爭



端亦慎偽冒

一人物在前志後者固悉采諸輿論矣其六十年前不無遺漏茲編搜諸史志及諸先民文集旁及禪官筆記與夫殘碑斷簡故老遺民按類補紀總期表微闡幽敢辭日劬手瘁

一劉司空藝文一志義主簡嚴後來一變前規不論工拙操筆者不能割愛全書遂嘆弩末矣夫志之為書紀事紀言實兼二體藝文亦紀言之一也茲編藝文較多于舊雖采錄未必盡善而凡有筆墨視聽之責於志局者隻字不登則亦可告無憾于前志矣

鄱陽縣志

卷之首

凡例

六

一志有拾遺以收遺事遺文矣然更有事瑣而可存文雅而難附者如范公遺事容齋隨筆之屬均以人傳倍覺可珍故別為叢譚一則以收之至鄙人著述自晉迄今名存書佚者多矣不復紀錄將其名無可復考別標書目亦猶諸史之有藝文志知非臆造

鄱陽令黃登穀獲村氏識



鄱陽縣志

鄱陽縣知縣大興黃登穀重修

卷首

舊序

凡例

目錄

繪圖

卷之一

輿地志

疆域

星野

沿革

藩封附

山川

鄱陽縣志

卷之首

目錄

卷之二

風俗

坊隅

鄉都

市鎮

卷之三

建置志

城池

公署

圩隄

倉廩

卷之四

壇壝

祠廟

津梁

郵舍

坊表

卷之五

職官志

知縣

縣丞

主簿

教諭

訓導



典史 巡檢

卷之六

名宦 善政 防守

卷之七

賦役志

戶口 土田 物產

卷之八

起運 漕項 解給 存給 經費 鹽課

附

卷之九

鄱陽縣志

卷之首

目錄

二

學校志

費宮 典籍 書院 社學

卷之十

選舉志

進士 舉人 徵辟 武科

卷十一

貢士 國學 封贈 恩蔭 世職

鄉飲 農官

卷十二

人物志



勲業 忠節 理學 儒行

卷十三

宦蹟 武功義勇附

卷十四

孝友 義俠 隱逸 文苑 流寓

卷十五

列女賢媛貞女節婦烈女 烈婦

卷十六

藝文志

表 劄子 奏疏 碑文 記

鄱陽縣志

卷之首

目錄

三

卷十七

序 書 論 辨

卷十八

文 議 說 題跋 銘 引

雜著 賦

卷十九

詩四古七律 五古 排律 七古 絕句 五律

卷二十

叢譚 書目

卷二十一



雜志

災祥

事考

卷二十二

古蹟

塚墓

卷二十三

別志

方技

仙釋

寺觀

紀異

卷二十四

備志

存舊

拾遺

鄱陽縣志

卷之首

目錄

四

卷末

重修姓氏

文告



鄱陽縣志

卷首

舊序

凡例

目錄

繪圖

鄱陽縣志

目錄



勸脩鄱陽縣志小引

蓋聞小史有職志林實邦國之光掌  
故攸關冊府重典章之寄

聖化百年翔洽文治光華

國朝一統成書

宸章炳蔚論聲教所暨風俗久稱美於江  
鄉稽得失之林志乘敢弗脩於劇邑  
鄱邑星分牛斗地甲東南為吳楚之  
咽喉實芝陽之領袖雖湖山名勝自

鄱陽縣志

卷之首

引

昔已傳而人才奮興於斯為盛念邑  
志自癸亥脩後迄今六十餘年計甲  
子重週詎止百千佚事非無頽族何  
自編摩豈乏鴻裁末由記載今也顧  
茲版章土宇謬膺民社之司對此水  
秀山明愧少丹霜之筆曩昔之因陋  
就簡伊誰掩卷興懷今茲仍抱闕守  
殘是用惻然滋懼脩舉廢墜都人士  
諒有同心周爰咨諏邑父老能言往



事典型猶在尚其追念老成人文獻  
足徵庶幾不為荒誕史所望爾紳士  
早集謀而經始願與諸君子共拭目  
以觀成

乾隆十三年清和月上澣之吉

北平黃登毅引言





鄱陽縣志

繪圖

山川圖

隅都圖

城郭圖

縣治圖

學宮圖

縣境圖

東湖圖

鄱陽湖圖

鄱陽縣志

卷之首

繪圖

山川圖











鄱陽縣志

卷之首

繪圖

三

城郭圖












學宮圖

鄱陽縣志

卷之首

繪圖

五










東湖十景圖



鄱陽縣志

卷之首 繪圖

七





西至南昌縣界

鄱陽湖圖


西至南昌縣界



鄱陽縣志

卷之首 繪圖

八



雲梯臺

孔廟松風

湖心孤寺

雙塔鐘音

兩堤柳色



東至餘干縣界



東至餘干縣界

鄱陽縣志

卷之首 繪圖

九

邑人金亮繪圖  
新建熊若愚鐫

